

FLURINA ALBIN &
STINA HENDRY

EmALIO



Sligiaziuns Nivel I

Emilio, in roman da fantasy da Stina Hendry e Flurina Albin

En lur cudisch descrivan Flurina Albin e Stina Hendry las aventuras d'Emilio. Emilio ei in uldaun giuven. El ha ureglas gittas, egls uiarschs e cavels liungs dad aur. Uldauns sezuppan normalmein dils carstgauns egl Uaul grond. Mo ils bulius damaneivel dil vitg dils carstgauns ein aschi buns ch'Emilio lai dar giu la liua. Aschia daventa el perdetga co ils dragants destrueschan il vitg dils carstgauns. Emilio vegn da spindrar la giuvna Loraia. Per ch'ei gartegi ad els da liberar la tiara dils dragants ston els anflar ils davos centaurs. Lur viadi ei liungs e stentus.

Ei suonda cheu l'entschatta dil roman:

Avon biars onns

All'entschatta eran ils centaurs. Umens e dunnas cun corps da cavals. Ferms sco negin'autra creatira. Els vivevan en pasch cun natira ed animals. Da quei temps vivevan ins sco el paradis. Negin piteva fom, negin piteva seit. Quei temps ha denton buca cuzzau per adina. In di ein creatiras novas vegnidias, umens cun mantials ed egls ners sco fulin. Els ein vegni per sgurdinar la pasch, mazzar ils centaurs e haver la pussonza en quella tiara. Ils biars dils centaurs ein vegni mazzai; quels ch'ein restai, ein fugi ellas muntognas. Entochen oz sa negin nua. Biars creian gnanc pli ch'els existien.

Ina sentupada nunspitgada

Emilio enquera bulius. El ha gia anflau entgins cun gronds parisols e bests stagns. En schanuglias seruschna el sut ils pégns en alla tscherca dils fretgs gustus. Uldaunas ed uldauns han bugen bulius, atgnamein consistan tut las spisas da bulius e forsa aunc d'enzacontas frastgas giuvnas.

Senza s'encorscher s'avischina Emilio plaunsiu al vitg dils carstgauns. Per uldauns aschi giuvens sco el eis ei atgnamein scumandau dad ir aschi datier da lur vitgs. Mo leu dat ei semplamein ils megliers bulius, queta Emilio.

Tuttenina auda el grius sgarscheivels. Tementaus sezuppa Emilio el cagliom. Tgei ei capitau ch'ils carstgauns fan ina tala canera? Plaunsiu cuchegia el ord siu lagogn e quei ch'el vesa ei sgarscheivel: umens cun mantials ners train la glieud ord las casas e ligian tuts in vid l'auter. In um vegl vul scappar, mo el vegn buca lunsch, in um cun manti ner setta ina lontscha. Cun in griu croda il vegl giun plaun.

«Quel era aschia ni aschia memia vegls», di igl um cun ina vusch aschi freida sco glatsch.

Emilio vul gidar, mo el sa ch'els mazzassen in uldaun gest aschi spert sco igl um vegl. Quels umens ners ein vegni avon liung temps cheu en quella tiara. Dapi quei di regia uiara e

pupira. Bia sa Emilio buca sur da quellas creatiras ch'ein ni carstgaun ni animal, denton avunda per saver che quels ein nauschs, nundetg nauschs.

Avon in pèr dis ha Emilio tedlau ora in discuors dils vegls dils uldauns. Lezs han detg ch'ils dragants, quels umens cun mantials ners, vognien a rimnar in'armada per daventar pli fermes che tut ils auters pievels.

La notg vargada ha Emilio buca claus egl pervia da quei. El ei sedumandaus, sche era sia famiglia seigi en prighel. Ed ussa ch'el ha viu tut quei, sesenta el insumma buca segirs pli. Igl entir temps stat el mureri en siu lagugn. Percletg ein ils dragants aschi concentrati da ligiar ils carstgauns sin in carr ch'els fan buca stem dad el.

Affons pigns entscheivan a bargir, il vent criu porta las vuschs tementadas vi tier Emilio. Ina mumma vul spindrar siu affon, mo ella vogn semplamein scarpada naven e cargada sin in dils carrs. Sche quels vulan veramein rimnar in'armada, daco prendan els lu era las dunnas ed ils affons?

Ton sco Emilio sa, cumbattan las dunnas da carstgauns buc ell'uiara. Tier ils uldauns ei quei tut auter, leu vognan umens e dunnas instrui per las battaglias. Battaglias ha ei denton gia daditg buca dau pli.

Tuttenina muossa in dils dragants cun siu maun ella direcziun d'Emilio e cloma: «Mirei, leu ei aunc in mat!»

Emilio vogn sut il cagliom ora e cuora sco aunc mai en sia veta, tochen ch'el auda las vuschs mo dalunsch. Tuttenina scarpetscha el e dat giun plaun.

Tut stuius mira el nua ch'el ei scarpitschaus. Igl ei buc ina plonta, per gliez fuss ei stau memia lom, denton era buc ina caglia. Na, igl ei ina matta, in carstgaun.

Emilio vul buca crer quei ch'el vesa. Aunc mai ha el viu aschi datier in ver carstgaun. Els vesan ora curios, queta el, las ureglas ein tut rodundas e la matta porta ina rassa. Uldaunas train mai en rassas, era las dunnas han pli bugen caultschas.

«Tgi eis ti?»

Quei ei il sulet che vogn endamen ad Emilio.

(...)



Pensum 1: Enconuschas ti romans da fantasy? Tgei ei tipic per quella sort da texts? Enquera la definiziun egl internet e translatescha per romontsch!



Pensum 2: Noda las persunas che cumparan el text cheusura. Tgei sas ti dad ellas? Empleina la tabella silla proxima pagina!

Persunas	Tgei sas ti dad ellas?

Pensum 3: Co savess la historia cuntinuar? Fai patratgs e noda quels cun cavazzins! Rappor-
ta a tes conscolars!

Pensum 4: Legia l'entira historia! Las auturas, Stina Hendry e Flurina Albin, mavan ell'empre-
ma secundara cura ch'ellas han entschiet a scriver lur roman.

Tgei historias legias ti il pli bugen?

Sara ha sedisch onns e stat a Miami. Sia veta ei en uorden tochen che siu frar pign survegn cancer. Quei mida sia veta cumplatamein. Ed ussa vegn era aunc Andrin, il pli bi buob da sia classa, e s'inamurescha en ella. Mo Victoria, ina consolara, fa in streh tras siu quen.

Sport ei la veta per Andreas, in buob da gissiat onns. El trenescha per il campiunadi da cuorsa liunga. Mo in di ha el in accidente sto schar amputar ina comba.

Gion va cun sia classa sin viadi da scola. Igl emprem va tut bein, tochen ch'els survegنان viseta. Caussas sgarscheivlas schabegian, mo Gion ughegia cheu fetg bia.

Alexa ei ina mattatscha che ha gronds problems cun drogas. Sia mumma ei morta e siu bab ei gia navendaditg. Vegn ella da sligiar ses problems?

Melanie, ina mattatscha da tredisch onns, accumpogna siu bab sin ina expedizion egl uaal grond dalla Brasilia. Els enqueran in pievel d'indians aunc nunenconuscent e vulan perscrutar quel. Cheu schabegian caussas misteriusas.

Pensum 1: Legia las resumaziuns dils cudischs. Tgeinin da quels cudischs interessass tei?

Daco?

Pensum 2: Tgei tetels desses ti a quels cudischs?

Pensum 3: Inventa in tel ed ina resumaziun per in cudisch niev!

Pensum 4: Noda ils numbs dallas persunas ch'ei dess en quei cudisch. Dai ad ellas in profil : vegliadetgna, mistregn, co ellas vesan ora, preferenzas, ideas, meinis, ...


Persunas	Profil

Pensum 5: Scriva en tiu carnet l ni cheusut 'emprema pagina da quei cudisch e prelegia a tes conscolars!

IL ROMAN EMALIO

LA CARTA

Pensum A: Malegia duront la lectura adina puspei cun tgietschen sillla carta il viadi dad Emilio e ses cumpogns. Enumerescha mintgamai las staziuns da siu viadi.



FLS Píevels (1)

Pensum B: Indichescha duront la lectura, tgei che ti endrieschas dils differents pievels ella tiara dad Emilio.

Centaurs	Uldauns
<p>Umens e dunnas cun corps da cavals, ferm sco negin'au-tra creatira. Fetg robusts, caracters plitost dirs e loschs.</p> <p>Ils dragants han dumignau els avon biars onns, aschia ch'els ein fugi els cuolms per spitgar sil successur.</p> <p>Centaurs drovan neginas sutgas, dorman el strom. La rolla dentre um e dunna ei clar definida. Ils umens lavuran e fan uiara, las dunnas ein responsablas pil dacasa e la tgi-ra.</p>	<p>Grondas e finas staturas, tuttina ein ils uldauns fetg fermes ed atletics. Els cumbattan oravontut cun ballesters e palistas, ein denton era fetg buns da cumbatter culla spada.</p> <p>Uldauns ed uldaunas han cavels liungs, pil pli fetg clars. Ils egls ein normalmein blaus. Las ureglas ein gitas, denter ils quater dets-peis sesanflan pials per saver senudar meglier. Ils uldauns e las uldaunas survegnan cun trenta onns lur forzas magicas ch'ein colligidas cun in dils 4 elements (tiara, fiug, vent, aua). Els vivan enzanua zup-pau en in uaul ed eviteschan il contact cun carstgauns.</p> <p>Uldauns san vegnir entochen 160 onns.</p>

ILS PIÈVELS [2]

Pensum B: Indichescha duront la lectura, tgei che ti endrieschas dils differents pievels ella tiara dad Emilio.

Carstgauns	Dragants
<p>Ils carstgauns vivan en vitgs ed han strusch contact cun auters pievels. Els vivan sco ils carstgauns en nies mund duront il temps medieval, pia fetg sempel. Ils davos onns han els gronda tema dill retg e ses dragants. Mo paucs dad els ughegian da sedefender encunter ils dragants, pertgei il prighel ei gronds da vegnir mazzaus ni torturaus.</p> <p>Insumma vegnan els savens persequitai dils dragants. Lezs prendan a ferm ils carstgauns e cun agid digl element da Fflam (fiug) vegnan els transformai en sgarscheivels dragants.</p>	<p>Ils dragants ein creatiras cun mantels ners ed eglis cot-schens da fiug. El muossan negina remischun e fan obe-dientscha sulettamein a lur retg. Ei vegn sminau che lez seigi in carstgaun, ins ei denton buca segirs.</p> <p>Ils dragants emprovan cun tutts mieds da mazzar tutt il auters pievels per che lur retg survegni l'entira pussanza. Dragants ein fetg ferms cumattants e vegnan susteni dig! element fiug.</p>

ILS PROTAGONISTS

Pensum C: Indichescha duront la lectura, tgei protagonists che vegnan avon el cudisch e noda cuortamein lur rolla.

Centaurs	Uldauns	Carstgauns	Dragants
Il retg dils centaurs senum-na „Arvon“.	Emilio, il protagonist dil roman.	Loria, pli tard Lor. Ella davaenta il pli impurtont carstgaun ella veta dad Emilio.	Negins dad elshen in numero roman. Sulettamein in dragant vegn numraus „il gidonter dil retg“. Lez segid.
Lanoi ei in dils principals schuldai dad Arvon.	Elgon, il vegl uldaun che meina Emilio sin viadi.	Asa, in grond cumbattant e fetg bien amitg dad Emilio.	da da torturar p.ex. Leonard ni Lor.
Andromeda ei enzatgei sc'in orachel dils centaurs.	Menian muossa ad Emilio dad ir entuorn cun magia.	Giachen ed Oscar che ac-cumpognan mo cuort Emilio sil viadi. Veginan mazzai	da dragants.
Mauran accumpogna Emlio e daventa siu amitg.	Sarafia muossa ad Emilio da cumbatter.	Merlon, il bab dad Emilio. Alyana, la sora veglia dad	Leonard, in amitg dad Elgon che tradescha denton lez.
Rasmus ei il frar da Mauran ed ei fetg dirs cun lez.	Rasmus ei il frar da Mauran ed ei fetg dirs cun lez.	Emilio ch'ei morta. Emilio dat il medem num a siu cavigli.	
Leouis ei il bab da Rasmus e Mauran. El fa in cuiress per Emilio.	Leouis ei il bab da Rasmus e Mauran. El fa in cuiress per Emilio.		
		Iilarus ei il cumandant d'in battagliun.	

1. AVON BIARS ONNS

Pensum 1: Tgei sas ti dils centaurs (p.9)?

In pievel fetg ferm, umens e dunnas cun corps da cavals. Ils biars dils centaurs ein vegni mazzai. Quels ch'ein restai, ein fugi ellas muntognas. Biars creian gnanc ch'els existien.

2. IN A SENTUPADA NUNSPITGADA

Pensum 2: Resumescha en paucas construcziuns quei ch'ei capitau en capitel 2:

Individual

Pensum 3: Emilio ha tedlau ora entgins vegls uldauns. Tgei raquentan quels dils dragants? (p. 14)?

Ils dragants vegnien a rimnar in'armada per daventar pli ferms che tut ils auters pievets.

Pensum 4: Daco queta Emilio ch'ei seigi curios ch'ina dunna tili en rassa (p. 14)?

Perquei che las uldaunas tilan adina en caultschas.

Pensum 5: Co vesa Emilio ora (p. 15)?

In mat cun ureglas gittas, egls uiarschs e cavels liungs dad aur che tonschan tochen giudem il dies.

Pensum 6: Daco sa Emilio buca capir che Loraia bragia tudi (p. 16)?

Tenor el gida quei nuot.

Pensum 7: Veggan biars carstgauns ensemes cun uldauns (p. 17)?

Na, quei ei absolutamein buc in tema.

Pensum 8: Cun tgei tric vegg Emilio da fugir cun Loraia dils dus dragants (p. 17)?

**Cun trer in crap sur ils tgaus dils dragants ora. Aschispert che lezs miran da lezza vart,
fuigian els dus. Il davos seglian els giu dad ina cascada ell'aua. Ils dragants hassegian
l'aua.**

Pensum 9: La fuigia da Loraia ed Emilio ei gartegiada. Igl ei tuttina capitau enzatgei fetg schliet. Tgei exact?

Emilio vegg tuccaus dad in paliel d'in dragant ella schuiala.

Pensum 10: Fai in dessegn dad Emilio. Forsa anflas agid egl internet.



SCAZI DA PLAIDS - ENTGINS VERBS



Pensum 11: Empleina la tabella!

p.	romontsch	construcziun	tudestg
9	pitir	El ha stuiu pitir form.	leiden
	cuzzar	Quei teater cuozza gia varga duas uras.	dauern
	restar	Mo paucs ein restai entohen la fin.	bleiben
13	consister	Ella consita mo pli da pial ed ossa.	bestehen aus
	s'encorscher	La polizia ei s'encurschida tgi che ha detg manzegnas.	merken / bemerken
	s'avischinar	Il catschadur ei s'avischinaus dalla preda.	sich nähern
14	spindrar	Ils pumpiers han spindrau igl affon ord las flommas.	retten
	cumbatter	La schuldada cumbatta duront l'uiara.	kämpfen
	sescarpitschar	Il buob ei sescarpitschaus sur ina ragisch.	stolpern
15	seliberar	Igl uors ei sliberaus dalla trapla.	sich befreien
	sedustar	El ei sedustaus per sia libertad.	sich wehren
16	serimnar	La classa ei serimnada sin Plaz Cadruvi.	sich sammeln
	perseguitar	Ils fugitivs vegnan persequitai dils rebels.	verfolgen
17	snarrir	Emilio e Loraia snarreschan bunamein dalla tema.	erschrecken
18	sefidar	Sefidas ti da quei schani che di mo darar la verdad?	trauen
19	smaledir	Cala da smaledir sch'enzagtei va buca tenor giavisch.	fluchen
	contonscher	La matta ha contonschiu tut sias finamiras el sport.	erreichen

3. IL DESTIN CLOMA

Pensum 12: Resumescha en paucas construcziuns quei ch'ei capitau en capitel 3:

Individual

Pensum 13: Daco fa Elgon ina reproscha ad Emilio?

Lez hagi mess en prighel igl entir pievel d'uldauns. Entras siu secuntener han ils dragants bunamein anflau il lagugn dils uldauns.

Pensum 14: Tgei maglian ils uldauns?

Bulius.

Pensum 15: Tgi has spindrau la veta da Loraia e dad Emilio e co?

Elgon ha sittau giu ils dus dragants che persequitavan Loraia ed Emilio cun siu balles-ter.

Pensum 16: Tgei posseda Elgon ch'il retg dils dragants vess bugen anavos?

In document che demuossa ch'ils centaurs existan .

Pensum 17: Pertgei fuss ei fetg impurtont d'anflar ils centaurs?

Els ein il pli ferm pievel che savess gidar ils carstgauns ed ils uldauns da dumignar ils dragants e lur retg.

Pensum 18: Co sesenta Loraia? Co sa la mumma dad Emilio quietar ella?

Loraia ha piars omisdus geniturs ed ella sesenta tut presula. La mumma dad Emilio consolescha ella cun embratschar e cantar ina canzun.

Pensum 19: Raquenta dall'emprema visiun dad Emilio.

El ha viu il retg en siu casti ed il retg ha viu el. Emilio ha realisau ch'il retg sa tgei ch'els han el senn.

Pensum 20: Raquenta dalla secunda visiun dad Emilio.

Il cussegliader dil retg ha tarmess dus dragants per tener si Emilio, Elgon e Loraia.

SCAZI DA PLAIDS - ENTGINS ADJECTIVS



Pensum 21: Empleina la tabella!

p.	romontsch	construcziun	tudestg
23	levgiau	Cun vusch levgiada raquenta el sia historia.	erleichtert
24	magic	La stria ha forzas magicas.	magisch
	serius	Daco fa la mumma ina fatscha aschi seriusa?	ernst
26	trest	Mintgadi audan ins sil radio trestas novitads.	traurig
27	enconuschent	Donald Trump ei ina persuna nundetg enconuschenta.	bekannt, berühmt
28	sulet	Daniel ei il sulet fegl en quella famiglia.	einzig
29	sabi	Igl ei sabi da dar suenter mintgaton	weise, klug
31	communabel	Els partan in auto, pia ei quei in auto communabel.	gemeinsam
32	tremblont	La tatta ha mauns tremblonts.	zittrig
37	emparont	Sch'ins capescha nuot, fan ins ina fatscha emparonta.	fragend
	malcumadeivel	Jeu sai buca co scher. Quei ei in letg malcumadeivel.	umbequem
38	prigulus	Massa aua e bia crappa. Tgei prigulus flum che quei ei.	gefährlich

4. IL VIADI ENTSCHEIVA

Pensum 22: Resumescha en paucas construcziuns quei ch'ei capitau en capitel 4:

Individual

Pensum 23: Raqunenta dalla sora gronda dad Emilio (p. 58).

**Alyana ei morta, perquei ch'ella ha tschercau siu tgaun Ludo duront in grev stemprau.
Ina plonta ei curdada sin ella.**

Pensum 24: Co ei la differenza da vegliadetgna denter carstgauns ed uldauns (p. 59)?

Uldauns vegnan tochen 160 onns vegls. Loria vegn gleiti gissiat onns, Emilio trenta. Els ein pia circa tuttina vegls.

Pensum 25: Emilio mazza per l'emprema gada in dragant. Co vesa in dragant ora? Tgei era special vid il dragant ch'Emilio ha mazzau (p. 65)?

La fatscha dil dragant ha negin nas, mo duas ruosnas sur las levzas. Il dragant porta in utschi da lenn, tgunsch ina regurdientscha ord sia veta da carstgaun.

Pensum 26: Tgei endriescha Emilio en ina ulteriura visiun (p. 67)?

Il retg vegn informaus che ses dus dragants ein vegni mazzai. El tarmetta diesch auters dragants sill a tscherca dad Emilio. Loraia ed Elgon.

5. LA MAGÍA

Pensum 27: Resumescha en paucas construcziuns quei ch'ei capitau en capitel 5:

Individual

Pensum 28: Co vesa Leonard ora (p. 71)?

In um ualti pign cun cavels tochen sur la schuiala ed ina barba liunga. In um da circa sissonta onns.

Pensum 29: Denter Loraia ed Emilio dat ei in conflict. Daco (p. 84)?

Emilio survegn sias forzas magicas e drova perquei bia ruaus.

Pensum 30: Duront il temps tier Leonard survegنان Emilio e Loraia ina certa scolaziun dad Elgon. Tgeinina? (p. 89)

Elgon muossa ad els dus da cumbatter culla spada.

Pensum 31: Leonard segida culs treis viandonts. Co (p. 97)?

El metta a disposizion ses treis cavals.

SCAZI DA PLAIDS - ENTGINS NOMENS



Pensum 32: Empleina la tabella!

p.	romontsch	construcziun	tudestg
71	pergameina	Enstagl da pupi vegneva ei secret sin pergameina.	Pergament
72	ponderaziun	Has fatg ponderaziuns davart tiu secuntener?	Überlegung
73	suadetsch	Duront sport eis el tut giuts dil suadetsch.	Schweiss
74	cumpassiun	Ils tirans vevan negina cumpassiun culs subdits.	Erbarmen
76	buordi	Ils sherpas portan detgs buordis el Himalaya.	Last
80	plaga	Suenter ina sgulada cun velo dat ei savens plagas.	Wunde
82	misteri	Ils schumellins partan enqual misteri.	Geheimnis
85	cumbattant	Ina ferma armada ha massa buns cumbattants.	Kämpfer
87	stemprau	Il stemprau ha caschunau biars donns.	Sturm
88	possessur	Il pur ei il possessur da quella maschina.	Besitzer
89	dubi	Has dubis ch'el detgi buca la verdad?	Zweifel
	premura	Il scolar lavura cun gronda premura.	Sorgfalt

6. LA BLESSURA

Pensum 33: Resumescha en paucas construcziuns quei ch'ei capitan en capitel 6:

Individual

Pensum 34: Tgei ha salvau la veta a Loraia (p. 104)?

Ella ei dada duront il cumbat giu dil cavagl. Ils dragants han tertgau ch'ella seigi morta.

Quei ha tgunsch spindrau la veta ad ella.

Pensum 35: Tgi ha tradiu ils treis viandonts? Daco sa Elgon quei (p. 107)?

Elgon ha anflau in messadi da Leonard secrets sin pergameina. Ils utschals ners han purtau quels messadis al retg.

Pensum 36: Tgei vesa Emilio en sia visiun (p. 108)?

Leonard vegn torturaus dil gidonter dil retg.

Pensum 37: El marcau da Mendar vul il retg recrutar glieud ni daners per si'armada. In giuven recloma. Co reagescha il retg (p. 115)?

El scavazza il giuven avon tutta glieud.

7. IL DOCUMENT

Pensum 38: Resumescha en paucas construcziuns quei ch'ei capitau en capitel 7:

Individual

Pensum 39: Elgon raquenta dad in diamant ch'era el possess dils centaurs. Co senumna quel e daco ei quel impurtonts (p. 119)?

Mintgin che posseda igl Isidan Muriasur ei aschi ferms sco igl entir pievel dils centaurs ensemens.

Pensum 40: Daco posseda il retg buca pli il document fetg impurtonts che declara nua ch'ils centaurs vivan e la descripziun dil diamant (p. 120)?

Elgon ha engulau quei document. El era numnadamein schuldau tiel retg per capir meglier tgei che capeti ella tiara.

Pensum 41: Ils documents demuossan ch'Emilio ei buc in uldaun sco tut tschels, mobein (p. 124)?

El ei il elegiu che sto menar ils uldauns, carstgauns e centaurs el cumbat encunter il retg e ses dragants.

Pensum 42: Emilio e Loraia fan ussa part dalla revoluziun. Tgei segn survegnan els (p. 126)?

Mintgin survegn ina fibla cun in diamant. Tschels portan medemamein ina fibla.

Pensum 43: Loraia ed Emilio vegnan scolai da Menian e da Sarafia. Tgei muossan ils dus uldauns (p. 130)?

Menian muossa ad Emilio da luvrar culla magia. Sarafia perencunter muossa da cum-batter culla spada.

Pensum 44: Numna ils quater elements e tgei ch'els muntan (p. 131)?

Iechyd, la tiara, ei responsabla per la sanadad.

Fflam, il fiug ei ferms, ha denton sias lunas e sa esser fetg prigulus.

Rhaedar, l'aua, ei igl element il pli sempel da menar.

Avyr, l'aria ni il vent, ei adina promts da gidar il bieñ.

8. LA SPADA

Pensum 45: Resumescha en paucas construcziuns quei ch'ei capitau en capitel 8:

Individual

Pensum 46: Emilio survegn la spada „Ametsch“ da Menian, siu pli grond possess. Co reage-schan Serafia e Loraia ussa sin Emilio (p. 147)?

Ellas fan ina reverenza da respect.

Pensum 47: Loraia vul accumpignar Emilio sin il viadi fetg prigulus. Sut tgei cundiziu (p. 150)?

Els ston tener distanza in da l'auter per che negin sappi ch'els dus carezien in l'auter.

Gliez savess esser prigulus.

9. FORZAS NOVAS

Pensum 48: Resumescha en paucas construcziuns quei ch'ei capitau en capitel 9:

Individual

Pensum 49: Raquenta dad Oscar (p. 163 - 167)?

El tschontscha fetg bia cun Loraia, sescogna denton cun Emilio e va. Pér il davos moment retuorna el sin ina dallas punteras.

Pensum 50: Tgei fa la gruppera dad Emilio per traversarl la paliu da Nevanda (p. 166)?

Els engolan entginas puntersa dils carstgauns che vivan leu.

SCAZI DA PLAIDS



Pensum 51: Empleina la tabella!

p.	romontsch	construcziun	tudestg
153	quescher	Igl ei meglier da quescher che da tschintschar.	schweigen
	marcadont	Tgei rauba venda quei marcadont?	Händler
	mercenari	Mercenaris ein normalmein fetg buna schuldada.	Söldner
	spogliar	Ils bandits han spogliau ils turists.	plündern
155	curdar	Melli schuldai ein curdai duront quella battaglia.	fallen
156	precipezi	Adatg, schiglioc crodas ti giu dil precipezi!	Abgrund
158	storscha	Ellas alps dat ei storschas fetg anetgas.	Kurve
159	fraccass	Tgi canera che ti fas, cala cun quei fraccass!	Lärm
160	puntera	Ils buobs han baghegiau ina biala puntera.	Floss

10. ELLA PALIU DA NEVANDA

Pensum 52: Resumescha en paucas construcziuns quei ch'ei capitau en capitel 10:

Individual

Pensum 53: Puspei ha Emilio ina visiun. Tgeinina (p. 171)?

Il retg torturescha ina dunna giuvna e quei senza remischun.

Pensum 54: Elgon declara che la gruppera stoppi sesparter alla fin dalla paliu. Co (p. 176)?

Emilio, Loraia, Giachen, Oscar ed Elgon cuntaschan lur viadi tiels centaurs. Menian, Sarafia ed Asa van e cloman en agid il pievel che ha giu contact culs centaurs.

Pensum 55: Tgei ei special davart ils peis d'in uldaun (p. 177)?

Ils uldauns han mo quater dets-pei e denter quels ha ei pials per senudar.

11. SPARTAVIAS

Pensum 56: Resumescha en paucas construcziuns quei ch'ei capitau en capitel 11:

Individual

Pensum 57: Emilio ha ina visiun ch'el vegn da sespindrar cun alas. Quella constat, pertgei el vegn veramein spindraus entras singular. Declara (p. 197).

Elgon spendra Emilio entras ch'el lai singular lez en in tornado naven dils dragants.

Pensum 58: Emilio ei alla fin dil capitel persuls. Nua ein ses amitgs (p. 199)?

Giachen, Oscar e la finfinala era Elgon ein morts el cumbat encunter ils dragants. Loraia ei vegnida prida a ferm da lezs.

12. SENZA SPERONZA

Pensum 59: Resumescha en paucas construcziuns quei ch'ei capitau en capitel 12:

Individual

Pensum 60: Emilio ha ina sgarscheivla visiun che pertucca Lor. Declara (p. 206).

Lezza vegn torturada cun in fier buglient. Il retg vul saver tut da Lor.

13. ĮL LABIRINT

Pensum 61: Resumescha en paucas construcziuns quei ch'ei capitau en capetel 13:

Individual

Pensum 62: Emilio vegn anflaus da Menian e Sarafia. Nua ei denton Asa (p. 212)?

Lez leva exnum ir tier il pievel da carstgauns. Perquei ha el bandunau il dus uldauns.

Pensum 63: Co anfla la gruppera dils treis uldauns ord il labirint ella tiara dils centaurs (p. 231)?

Entras ina ruosna zuppada el lag. Ina steila profunda el lag veva mussau ad els la via.

14. SPIORD

Pensum 64: Resumescha en paucas construcziuns quei ch'ei capitau en capitel 14:

Individual

Pensum 65: Co tractan ils centaurs Emilio, Sarafia e Menian (p. 238)?

Plein disfidonza. Els maltracteschan perfin Menian e Sarafia aschi fetg ch'els ein blessai fetg.

Pensum 66: Tgi ei Andromeda e daco eis ella impuronta (p. 250)?

Ella veva detg la profezia ch'il successur vegni a vegnir. Ussa confirmescha ella ch'Emilio seigi quel.

Pensum 67: Duront la ceremonia survegn Emilio las forzas da Spiord. Declara (p. 257).

Spiord ei il tschunavel dils elements e vala sco il pli ferm. Spiord munta spért. Siu simbol ei il pentagram. Quei simbol sesanfla ussa silla totona dad Emilio.

Pensum 68: Ina visiun sgarscheivla mudregia Emilio. Tgeinina (p. 258)?

El vesa il retg che cavalchescha sin in cavagl alv. El tegn las hottas dad aunc in auter cavagl. Sin lez sesanfla Lor.

15. IL FEGL DALLA NOTG TUORNA

Pensum 69: Resumescha en paucas construcziuns quei ch'ei capitau en capitel 15:

Individual

Pensum 70: Emilio ha duront in trenament dils centaurs dumignau in dils gronds trenaders. Co ei quei stau pusseivel (p. 280)?

Il retg Arvon declara ad Emilio che quei seigi stau la forza dil diamant Isidan.

Pensum 71: Cu, nua ed encounter cons dragants vegnan ils centaurs a far uiara encounter ils dragants e lur retg (p. 281/282/283)?

**La battaglia vegn ad haver liug silla Planira dalla Mort en quendisch dis e quei encounter
vegnmelli dragants. Emilio ha viu quei en ina visiun.**

Pensum 72: Mauran ha buc ina sempla rolla en sia famiglia. Daco (p. 284)?

**Siu bab Leouis e siu frar grond Rasmus van gia ell'uiara. El perencunter stuess mirar da
sia mumma e da sias soras.**

Pensum 73: Alla fin dil capitel beiban Mauran ed Emilio entgins sur la seit. Quei ha denton in
avantatg per Emilio (p. 289)?

**Per l'emprema notg dapi ch'Elgon ei morts e Lor pigliada, dierma Emilio l'entira notg
senza vegnir allerta.**

16. ÌNA NOVA DIMENSIUN

Pensum 74: Resumescha en paucas construcziuns quei ch'ei capitau en capitel 16:

Individual

Pensum 75: Co ei l'armada dils centraurs partida si (p. 293)?

En treis divisiuns cun mintgamei treimelli schuldai. Mintga divisiun ei dividida en min-tgamai treis battagliuns. Emilio ei il cumandant d'in dils battagliuns.

Pensum 76: Tgei ei capitau cugl element da fiug, il Fflam (p. 301)?

Sarafia sa buca clamar pli Fflam, lez ha midau sillà vart stgira.

17. SILLA PLANIRA DALLA MORT

Pensum 77: Resumescha en paucas construcziuns quei ch'ei capitau en capitel 17:

Individual

Pensum 78: Ils sabis denter ils centaurs han dubis davart Emilio e sias forzas. Tgi pren ad els tut ils dubis (p. 317)?

Spiord sez cumpara sco umbriva cun ina termenta spada. Spiord lai mitschar negin. Quei fa a tuts grond'impressiun.

Pensum 79: Daco ei Sarafia adina puspei stada aschi dira enviers tschels (p. 322)?

Sarafia ei stada duront dus onns serrada en ina perschun dils dragants. Quei ha rut ella e midau siu caracter.

Pensum 80: Ils centaurs vegnan rinforzai per la battaglia. Da tgi e daco (p. 324)?

Ils uldauns ein vegni attaccai dils dragants che han mazzau biars dad els ed arsentau ils vitgs. Ussa vulan ils uldauns vendetga e sustegnan perquei ils centaus.

Pensum 81: Co ei la tactica da cumbatter ils dragants (p. 330)?

Ils uldauns siettan sin distanza lur paliats, silsuenter cumbattan tuts encunter ils dragants. Silsuenter attachescha in trup zuppau ils dragants da davos en.

Pensum 82: Entras tgi anfla Emilio la via tiel retg dils dragants. El entaupa sin viadi l'armada da carstgauns. Tgi meina lezza (p. 334)?

Rasmus pren Emilio si dies e cavalchescha cun lez tiel retg. Il cumandant dils carstgauns ei Asa.

18. IL TEMPS DA RESVEGL

Pensum 84: Resumescha en paucas construcziuns quei ch'ei capitau en capitel 18:

Individual

Pensum 83: Tgei ei capitau culs dragants, aschispert che Fflam ei vegnius cumbattius (p. 347)?

Tut ils dragants ein semidai en carstgauns e morts.

Pensum 85: Duas persunas carezadas dad Emilio han stuiu murir ella battaglia. Tgi (p. 349)?

Sia mumma e Mauran.

Pensum 86: Co finescha il roman (p. 352)?

Emilio e Lor san chels vegnan mai pli a bandunar in l'auter.

